



UNIVERSITÄTS-
BIBLIOTHEK
PADERBORN

Magnum Bullarium Romanum, Seu Ejusdem Continuatio

Quæ Supplementi loco sit, tum huicce, tum aliis quæ præcesserunt
Editionibus, Romanæ, & Lugdunensi ...

Complectens Constitutiones à Clemente X. & Innocentio XI. editas

Luxemburgi, 1739

XCVII. Beatificatio novemdecim servorum Dei Martyrum Gorcomiensium.

[urn:nbn:de:hbz:466:1-74708](https://nbn-resolving.org/urn:nbn:de:hbz:466:1-74708)

1675.
Dat. 18. Oct.
1675. An. 6.

Datum Romæ apud S. Mariam Majorem sub
Annulo Piscatoris die 18. Octob. 1675. Pontificatus
nostri Anno Sexto.

I. G. Slufius.

*Registrata in Secretar. Brevium in lib. Mensis
Octobris par. 1. fol. 291.*

XCVI.

Confirmatio, & innovatio Brevis Urbani VIII.
ab Innocentio X. confirmati, quo mandatur
Ordinariis locorum, & Generalibus Ordinum,
ut saltem bis in anno necessitates Sac. Monu-
mentorum Terræ Sanctæ Populo commendari
curent &c.

CLEMENS PAPA X.

Ad futuram rei memoriam.

Exordium.

Salvatoris, & D. Nostri Jesu Christi, qui pro
humani generis redemptione se ipsum exi-
navit, factus obediens usque ad mortem, vices
(licet immeriti) gerentes in Terris, inter
multiplices, gravissimasque Apostolicæ servitu-
tis curas, in ea præcipue pastoralis sollicitudi-
nis vigilantia incumbimus, ut tanti, & tam fa-
lubris Mysterii monumenta, quæ in Civitate
Hierusalem, & locis circumvicinis sunt, con-
serventur, & omni qua fieri poterit majori ho-
norificentia recolantur.

§. 1. Cum itaque fel. rec. Urbano PP. VIII.
prædecessori nostro, alias exposito, quod Ec-
clesiæ, & alia loca pia in Civitate Hierusalem,
& aliis locis Terræ Sanctæ existentia fere diruta
erant, & quæ adhuc ibi existebant Monasteria
ære alieno ob impiam Turcarum, Hæreticorum,
& Schismaticorum Tyrannidem, & pro S. Fidei
Catholicæ in eisdem locis conservatione contra-
cto admodum gravata reperiebantur. Idem Ur-
banus prædec. Patriarchis, Archiepiscopis, Episco-
pis, & aliis locorum Ordinariis, necnon omnibus,
& singulis quorumvis Ordinum, & Congrega-
tionum, & Institutorum Regularium Generali-
bus commiserit, & mandaverit, ut ad minus
duobus vicibus quolibet anno, Adventus, &
Quadragesimæ temporibus tam per Verbi Dei
prædicatores in suis sacris Concionibus, quam in
actionibus, & functionibus publicis eorumdem
Sacrorum Monumentorum Populo proponi, &
commendari curarent, & facerent, & alias prout
in ejusdem Urbani prædecessoris literis desuper
in simili forma Brevis die 3. Februar. 1634. ex-
peditis, quarum tenorem præsentibus pro plene,
& sufficienter expresso, & inserto haberi volumus,
uberius continetur.

Literæ Ur-
bani VIII.
referuntur.

Præces.

§. 2. Et sicut pro parte dilecti filii Ludovici
Mimeur Ordinis Fratrum Minorum Sancti Fran-
cischi de Observantia nuncupatorum professoris,
pro Gallia Commissarii Generalis ejusdem Ter-
ræ Sanctæ nobis nuper expositum fuit, ipse
quo præfata Urbani prædecessoris literæ, quæ
a rec. me. Innocentio PP. X. prædecessore pa-
riter nostro confirmatæ fuerunt, exactius obser-
ventur, illas per nos pariter confirmari, & in-
novari desideret: Nos eorumdem Sacrorum Mo-
numentorum conservationi, & manutentioni
consulere volentes de Venerabilium Fratrum
nostrorum S. R. E. Cardinalium negotiis Propa-
gandæ fidei præpositorum consilio, prædictas
Urbani prædecessoris literas Apostolica auctori-
tate tenore præsentium confirmamus pariter, &
approbamus, illasque innovamus, & observari
mandamus.

DD. literas
Urbani VIII.
dicitur ab In-
noc. X. fuisse
confirmatas.

Pontifex
prædicti Ur-
bani VIII. li-
teras inno-
vat. & con-
firmat.

Præcipit Or-
dinaris loco-
rum, ut in re-
latione status
suarum Eccle-
siarum fa-
cienda refe-

paruisse, contrariis non obstantibus quibuscum-
que.

§. 4. Volumus insuper ut earundem præsen-
tium transumptis, etiam impressis manu alicujus
Notarii publici subscriptis, & sigillo personæ
in Ecclesiastica dignitate constitutæ munitis, ea-
dem prorsus fides, tam in judicio, quam extra
adhibeatur, quæ adhiberetur ipsis præsentibus si
forent exhibitæ, vel ostensæ.

Datum Romæ apud S. Mariam Majorem sub
Annulo Piscatoris die 2. Novembris 1675. Ponti-
ficatus nostri Anno sexto.

I. G. Slufius.

*Regist. in Secret. Brevium in lib. mensis Novem-
bris par. utraque fol. 25.*

rant se præ-
dictis literis
paruisse qui-
buscumque
contrariis
non obstanti-
bus.
Transumptio-
rum fides.

Dat. 2. Nov.
1675. An. 6.

Beatificatio novendecim Servorum Dei Martyrum
Gorcomiensium nuncupatorum.

XCVII.

CLEMENS PAPA X.

Ad perpetuam rei memoriam.

Sanctorum Martyrum, quos a charitate Christi
non tribulatio, non angustia, non fames,
non nuditas, non periculum, non persecutio,
non gladius separavit, sed fidei, dilectionisque
vigor inter cruciatuum certamina, Agonotheta
Christo adjuvante, victores præstitit, & consum-
mato passionis cursu ad cælestis coronæ glori-
am exivit, agones, & Triumphos in Sancta Dei Ec-
clesia celebrari, ac condignis laudum præconiis,
atque venerationis honoribus decorari decet:
ut qui Sanguinis sui pretio immortalitatem eme-
runt, illustriæque invictæ virtutis suæ exempla
reliquerunt, de nostra sint solliciti, qui de sua
sunt salute securi, & pia potentique apud Imper-
ratorem nostrum, qui in fortissimorum pugilum
suorum honoribus honoratur, & cui ipsi in stolis
candidis die, ac nocte serviunt in templo ejus,
intercessione, imbecillitati nostræ inter sæculi
tentationes laboranti cælestis gratiæ munera im-
petrent, quibus, & nos rectum vitæ cursum te-
nere, & propositum nobis æternæ beatitudinis
bravium consequi mereamur.

Exordium.

Vota fide-
lium.

§. 1. In hanc nos curam ex debito pastoralis
officii, quod infirmitati nostræ credit divina
dignatio propensis studiis incumbentes flagitan-
tia id ipsum Christifidelium vota ad exauditionis
gratiam libenter admittimus, sicut ad gloriam
Omnipotentis Dei, ad exaltationem Catholicæ
fidei, spiritualemque fidelium consolationem,
atque ædificationem salubriter in Domino expe-
dire arbitramur.

Resolutio
Congrega-
tionis SS.
Rituum.

§. 2. Cum itaque mature diligenterque dis-
cussi, & propensi fuerint per Congregationem
Venerabilium Fratrum nostrorum S. R. E. Car-
dinalium Sacris Ritibus præpositorum Processus
de hujus S. Sedis Apostolica licentia confecti su-
per Martyrio, & Causa Martyrii novendecim
Dei Servorum Gorcomiensium nuncupatorum,
undecim quidem Ordinis fratrum Minorum
S. Francischi de Observantia nuncupatorum, vi-
delicet Nicolai Pichi Gorcomiensis Guardiani,
Hieronymi Werdani Vicarii, Theodorici Emdeni
Amersfortii, Nicassii Joannis Hezii, Willehadi
Dani, Godefridi Merzvellani, Antonii Werdani,
Antonii Hornariensis, Francischi Rodii Bru-
xellensis Sacerdotum, & Petri Ascani, ac Cor-
nelii Wicani laicorum, & aliorum octo, nempe
Joannis Sacerdotis Ord. Prædicatorum, & Adua-
ni Becani, & Jacobi Lacopii Aldenardensis am-
borum Ordinis Præmonstratensis, & Joannis Of-
servicani Canonici Regularis Ordinis S. Augu-
stini, ac Leonardi Vechelii Buscoducensis, Ni-
colai Popelii Weldani, Godefridi Dunei Gor-
comiensis, & Andreæ Walteri Sacerdotum, &
Parochorum Sæcularium, qui omnes simul in

odium Catholicæ fidei, Primatus Romanæ Ecclesiæ, & augustissimi Eucharistiæ Sacramenti post atrocissima, & immanissima tormenta Brillæ in Hollandia anno 1572. interfecti palmam Martyrii accepisse asserbantur, ac super signis, prodigiis, ac miraculis, quæ ad manifestandam Mundo finalem eorum perseverantiam a Deo edita, & patrata fuisse dicebantur, factaque demum coram nobis omnium, quæ in hac Causa gesta sunt plena, & distincta relatione, præfata Congregatio Cardinalium, auditis etiam Consul-torum suffragiis, censuit posse quodocumque nobis videretur, ad solemnem eorumdem Dei Servorum Canonizationem tuto deveniri, inter-im vero indulgeri, ut in universo Terrarum Orbe Beati nuncupentur:

Preces.

§. 3. Hinc est, quod nos piis, atque enixis Charissimi in Christo filii nostri Leopoldi Romanorum Regis illustris in Imperatorem Electi, aliorumque Principum, ac diversorum præsertim Belgii Antistitum, necnon Ducatus Brabantia, & Comitatus Flandriæ Ordinum, ac dilectorum filiorum Francisci Mariæ a Cremona Ministri Generalis, & totius Ordinis Fratrum Minorum S. Francisci de Observantia nuncupatorum, & signanter Ignatii de Broeyer ejusdem Ordinis professoris, & Secretarii Generalis, ac Nationis Germano-Belgica Ordinis hujusmodi in Romana Curia negotiorum gestoris, seu Agentis generalis, hujusque Causæ Procuratoris supplicationibus nobis, & huic S. Sedi super hoc humiliter porrectis benigne inclinati:

Pontifex indulget ut Servi Dei Beatorum nomine nuncupentur, & quoad eorum Corpora, & Reliquias disponi prout in rubr.

De eorum Imaginibus, & Officio.

In quibus locis eorum Officium, & Missa ab omnibus celebrari possit.

In dictis locis quando solemnia celebrari possint.

Et quando in Basilica Principis Apostolorum.

Contrarium derogatio.

§. 4. De Memoratorum Cardinalium Consilio, & unanimi assensu, auctoritate Apostolica renore præsentium indulgemus, ut præfati Servi Dei Nicolaus Pichus, Hieronymus Werdanus, Theodoricus Emdenus, Nicatius Joannes Hezius, Willehadus Danus, Godefredus Mervellanus, Antonius Werdanus, Antonius Hornariensis, Franciscus Rodius, Petrus Ascanus, Cornelius Wicanus, Joannes Adrianus Becanus, Jacobus Lacopius, Joannes Osterwicanus, Leonardus Vecchelius, Nicolaus Poppelius, Godefridus Duneus, & Andreas Walterus in posterum Beatorum nomine nuncupentur, eorumque corpora, & reliquiæ venerationi fidelium (non tamen in Processionibus circumferenda) exponantur, Imagines quoque radiis, seu splendoribus exornentur, ac de eis quotannis die felicit eorum transitus recitetur Officium, & Missa celebretur de communi plurimorum Martyrum, juxta Rubricas Breviarii, & Missalis Romani.

§. 5. Porro recitationem Officii, & Missæ celebrationem hujusmodi fieri concedimus in locis dumtaxat infrascriptis, videlicet in tota Hollandia ab omnibus utriusque sexus Christianis tam Sæcularibus, quam Regularibus, qui ad horas Canonicas tenentur, ac in Ecclesiis tam Fratrum, seu Canonicorum Regularium, quam Monialium omnium Ordinum, quos memorati Servi Dei suo Martyrio illustrarunt, & quantum ad Missas attinet, etiam a Sacerdotibus ad Ecclesias hujusmodi confluentibus.

§. 6. Præterea primo dumtaxat anno a datis hisce literis, & quoad Indias a die quo eadem literæ illuc pervenerint, inchoando in Ecclesiis Hollandiæ, & Ordinum præfatorum respective solemnia Beatificationis eorumdem Dei Servorum cum Officio, & Missa sub ritu duplici majori die ab Ordinariis respective constituta, & intra sex menses promulganda, postquam tamen in Basilica Principis Apostolorum de Urbe celebrata fuerint eadem solemnia, quam ad rem diem 24. currentis mensis Novembris assignamus, pariter celebrandi facimus potestatem.

§. 7. Non obstantibus Constitutionibus, & Ordinationibus Apostolicis, ac Decretis de non cultu editis, cæterisque contrariis quibuscumque.

§. 8. Volumus autem, ut earundem præsentium literarum transumptis, seu exemplis, etiam impressis, manu Secretarii prædictæ Congregationis Cardinalium subscriptis, & sigillo Præfecti ejusdem Congregationis munitis, eadem prorsus fides ab omnibus, & ubique tam in judicio, quam extra illud habeatur, quæ haberetur ipsis præsentibus si forent exhibitæ, vel ostensæ.

Datum Romæ apud S. Mariam Majorem sub Annulo Piscatoris die 14. Novembris 1675. Pontificatus nostri Anno sexto.

I. G. Slufus,

Reg. in Sec. Brev. in lib. 6. divers. fol. 155.

Avocatio controversiarum inter Episcopum Ampuriensem, & Inquisitorem, seu Inquisitores Regni Sardinia ex causa Processus a d. Episcopo contra Nicolaum Marinum Decanum, & Parochum Collegiæ Ecclesiæ de Templo super delictis prætenis circa materiam Fidei confect.

& 1676. Transumptorum fides.

Dat. 14 Nov. 1675. An. 6.

XCVIII.

VEN. FRATRI ARCHIEPISCOPO TURRITAN.

CLEMENS PAPA X.

Venerabilis Frater Salutem, & Apostolicam Benedictionem.

EXponi Nobis nuper fecit Venerabilis Frater Episcopus Ampuriensis, & Civitaten. in Regno Sardinia, quod cum dilectus Filius Nicolaus Marinus Decanus, & Parochus actualis Ecclesiæ Collegiæ Oppidi de Tempio Apuriensis. Diocesis, ipsique Episcopo omnino subiectus, delictum publicæ, & scandalosæ inobedientiæ mandatis ejus in actu solemnium Processionis Synodalis perpetravisset, & de eo criminaliter fuisset a Promotore Fiscalis accusatus, sicut, & postea de gravibus sceleribus ad Parochi, quod ipsi incumbit, officium pertinentibus, & propterea dictus Episcopus præfatum Nicolaum Marinum in Oppido Civitate nuncupato Castri Aragonensis d. Diocesis detineret censuris, aliisque pœnis circumligatum.

Episcopus Ampuriensis ex gravibus delictis relegat Parochum Ecclesiæ Oppidi de Tempio.

§. 1. Dum idem Episcopus causæ cognitioni intendebat, & post duos supra viginti dies ejusmodi relaxationis Mandatis Episcopalibus, & censuris contemptis, ipse Nicolaus Marinus a loco reclusionis discedens, transit ad istam Civitatem Turritan. sine consensu dicti Episcopi, nec ejus Vicarii in Spiritualibus generalis sub prætextu cujusdam Epistolæ dilecti Filii Inquisitoris adversus hæreticam pravitatem in dicto Regno Sardinia auctoritate Apostolica deputati dictum Nicolaum Parochum ad se ob negotia Inquisitoris (cujus Commissarius appellatur) advocantis.

D. Parochus transit ad Civitatem Turritanam sub prætextu Epistolæ Inquisitoris Regni Sardinia.

§. 2. Quo cognito præfatus Episcopus Ampuriensis. Epistola humanissima ad dictum Inquisitorem missa, perbeneque rogavit, ut dictum Nicolaum repeteret, cujus delicta modo nullatenus Fidei materiam, nec suspicionem attingebant. Inquisitores autem ordinariæ Episcopalis Jurisdictionis perturbatores facti, via Judiciali in alienas messes falcem immittunt, comminantes, aggravantesque lamentabili Plebis scandalo censuras Episcopo, ejusque Vicario generali, nisi a cognitione Causæ dicti Nicolai abstineant.

Episcopus rogat Inquisitorem, ut dictum Parochum remitteret prout in rubrica. Inquisitores comminantur censuras Episcopo, ejusque Vicario Generali.

§. 3. Quibus cum pro parte Curia Episcopalis Ampuriensis. Juris remediis Notarius occurisset modeste, Inquisitores prædicti nonnullos homines armatos agmine facto in præfatum Oppidum Castri Aragonensis immiserunt die 2. Mensis Januar. proxime præteriti: quos cum a

Notarius Curia Episcopalis utitur Juris remediis. Inquisitores homines armatos immittunt.

longe